

【三寶】（科註第六三五頁倒數第二行）

《佛學大辭典》「六種三寶」條：（名數）

一、同體三寶，即一體三寶也。（一體三寶：三寶一一之體有三寶之義，佛之體上有覺照之義者，佛寶也，有軌則之義者法寶也，無違諍之過者僧寶也，乃至僧有觀智者為佛寶，有軌則者為法寶，和合者為僧寶。）

二、別相三寶，即化相三寶也。（謂小乘之三寶也。如佛為丈六之化身，法為四諦十二因緣，僧為羅漢及緣覺。現以此三寶教化眾生，故謂之化相三寶。）

三、一乘三寶，究竟之法身為佛寶，一乘之法為法寶，一乘之菩薩眾為僧寶。勝鬘經，法華經等之意也。

四、三乘三寶，為三乘者所現之佛之三身為佛寶，三乘之法為法寶，三乘之眾為僧寶。勝鬘經，攝論等之意也。

五、真實三寶，三身為佛寶，一切無漏之教理行果為法寶，見諦已上之三乘聖眾為僧寶。

六、住持三寶，同於四種三寶之中。見義林章六本。（久住於世保持佛法之三寶也。木佛畫像，住持之佛寶也；三藏經典，住持之法寶也；剃髮染衣之比丘僧，住持之僧寶也。）

【道品】（科註第六三五頁倒數第二行）

《佛學大辭典》：（術語）道法之品類，有三十七科。為至涅槃之道法，故曰道，品類差別，故曰品。（三十七道品：四念處，四正勤，四如意足，五根，五力，七覺支，八正道。）

無量義經曰：「三明六通道品發。」台家立四種（道品）。
（按：即分別依生滅四諦、無生四諦、無量四諦、無作四諦而開展。）